

主 編 卞 甫

副 主 編 陳玉宇

明代基本史料叢刊·文集卷
(第一輯)

「洪武、建文朝」

四七

綫裝書局

欽定四庫全書

集部六

始豐稿

別集類五明

提要

臣等謹案始豐稿十四卷明徐一夔撰一夔有藝圃搜奇已著錄朱葵尊靜志居詩話曰大章遺稿罕傳余於京師見之新城王貽上所凡四冊比余家藏者倍之然驗其目無詩猶未是足本案今行世凡二本其一本六卷

當即朱彛尊家所藏此本自一卷至三卷為
前稿自四卷至十四卷為後稿皆雜文無詩
當即王士禛家所藏矣據千頃堂書目載一
夔始豐類稿十五卷此本所佚不過詩一卷
耳其文皆謹嚴有法度無元季冗沓之習其
與王禕論修史書明史載之於本傳陳繼儒
嘗稱其宋行宮考吳越國考研核精確王士
禛又稱其錢塘錢肅辨精於考核其歐史十

國年譜脩證一篇謂歐陽氏於吳越改元止
據寶石山制稱寶正六年為證一變復得錢
鏐將許後墓碑有寶正三年字以證歐史之
不誣又謂元璿襲位後不復改元立說皆有
根據觀其所辨始知明嘉靖間錢德洪所撰
吳越世家疑辨謂改元之事別無證據者特
為先世諱耳是又多資考證不但其文之工
也乾隆四十四年六月恭校上

欽定四庫全書



批

總纂官臣紀昀臣陸錫熊臣孫士毅

總校官臣陸費輝

國年譜脩證一篇謂歐陽氏於吳越改元止
據寶石山制稱寶正六年為證一變復得錢
鏐將許俊墓碑有寶正三年字以證歐史之
不誣又謂元璿襲位後不復改元立說皆有
根據觀其所辨始知明嘉靖間錢德洪所撰
吳越世家疑辨謂改元之事別無證據者特
為先世諱耳是又多資考證不但其文之工
也乾隆四十四年六月恭校上

全明己卯年

臣

洪武

總纂官臣紀昀臣陸錫熊臣孫士毅

總校官臣陸費輝

不可有一之或棄愈有見乎此惟恐已之不知人之不
用國家曠官廢事足懼是以不敢薄待天下也當是時
穆宗嘗欲大用愈而沮於皇甫鏞輩使愈大用豈曰論
薦云乎哉此則當時士之不幸也嗟乎今天下之士如
侯喜諸人者蓋有之矣不聞有論薦如愈者何也大抵
負材名而驟進者恐其軋已而不欲言處祿位之崇高
者既不屑與貧賤之士接又不思求賢為國之義夫恐
其軋已而不欲言者量不弘者也不屑與貧賤之士接

與不思求賢為國之義者心不忠者也不弘之罪小不
忠之罪大不弘不忠而曰天下未嘗有材焉者是謂厚
誣天下之材之人者也嗟乎今天下之大豈真無其人
哉吾嘗求之矣脫有人能識此者非其才名不足取信
於人則其位在疎遠不信之地其敢責以愈之為耶或
曰愈之論薦於陸蓋當時取士之法然爾今取士之法
與唐異殆不可以此責人也不然吾所論者君子拔賢
為國不自厚之心夫豈論其法之異與否哉苟今之取

士與唐無異有如愈之論薦者乎吾不敢言也嗚呼安得有如愈者復生于今時以薦進為已務俾向之所謂不弘不忠者有蔽賢之誅之懼非特士之幸也亦天下國家之幸也

讀鄭虔傳

按鄭虔傳鄭相如告虔曰天寶十三年逆臣僭亂當汙偽官願守忠節相如言時開元三十年也及安祿山反虔果陷賊中祿山署虔水部郎中虔念其言稱疾求攝

市令事平議罪處得減死論貶台州司戶夫為臣死忠
理之常也處以相如豫告故不受僞署不然則受之耶
識緯之學聖賢所不道宋景文撰唐書叙事嚴簡而汎
及符讖雜說非以為訓也以著處之不知自守爾覽者
無惑焉

織工對

余僦居錢塘之相安里有饒於財者率居工以織每夜
至二鼓一唱眾和其聲驩然蓋織工也余嘆曰樂哉旦

過其處見老屋將壓杵機四五具南北向列工十數人
手提足蹴皆蒼然無神色進工問之曰以余觀若所為
其勞也亦甚矣而樂何也工對曰此在人心心苟無貪
雖貧樂也苟貪雖日進十金祇戚戚爾吾業雖賤日傭
為錢二百緡吾衣食於主人而以日之所入養吾父母
妻子雖食無甘美而亦不甚飢寒余自度以為常以故
無他思於凡織作咸極精緻為時所尚故主之聚易以
售而傭之直亦易以入所圖如此是以發乎情者出口

而成聲同然而一音不自知其為勞也頃見有業同吾者傭於他家受直略相似久之乃曰吾藝固過於人而受直與衆工等當求倍直者而為之傭已而他家果倍其直傭之主者閱其織果異於人他工見其藝精亦頗推之主者退自喜曰得一工勝十工倍其直不吝也久之又以吾業織且若此舍此而他業當亦不在人下去事大官善其逢迎之術竭其奔走之力貴富可得也奈之何終為織家傭其後果事大官廁在衆奴中服役于

車虛馬足者五年未見其所謂貴富之機也又如足者
五年一旦以事觸大官怒斥逐之不使一再見又所業
已遂遺忘人亦惡其狂不已分不肯復傭以織至凍餓
以死若人也吾謹用以為戒如之何而弗樂余歎曰工
知足者也老子曰知足之足常足工之謂也因著于篇
工凡十人與余言者姚姓云

解

推命解

昔荆國王文公不貴推命其言曰君子修身俟命守道
順時貴賤禍福之來有弗能沮而誕謾虛怪之說是溺
余解之曰貴賤禍福之來非人所能為也惟聖人能安
之惟賢人能知之自餘衆人不借聰於人無自而知也
聖人不世出賢人不時出蠅營狗苟馳逐於聲利之場
蹈禍機觸刑辟者皆是也苟有人焉就其年月日時之
所值陳其休咎使利焉而就害焉而避斯人也免戾於
斯世其功不亦博乎古之史氏列序方技於功臣世家

之後而不讓者蓋有以也嘉興有東谷子者居春波門
用五星家躔度遲留伏逆法推人生年月日時所值貴
賤禍福毫分縷析無有不驗吾慮衆人之昧於所從也
乃為之解

瑞芝解

嵯縣之東有鄉曰靈芝故老相傳昔嘗有芝生其地鄉
所以名也此者兵起邊境繹騷鄉人邢君某用守禦功
得宰其縣君善於撫綏三年邑以治聞芝復生焉居人